

ԴԱՍՏԻԱՐԱՎՉԱԿԱՆ ՄՈՒՈՐՈՒԹԻՒՆՆԵՐ

ԵՐՈՒԱՆԴ ՂԱԶԱՐԵԱՆԻ

Այս տարւաչ «Աղբիւր»-ի № 4-ի մէջ պ. Աղալեանցը մի փոքրիկ արշաւանք գործեց «Մուրճ»-ի դէմ: Ասում եմ փոքրիկ, որովհետեւ պ. Աղալեանցի չօղւածը՝ «կիսապատասխան» վերնագրով, ճշմարիտ որ շատ փոքր էր համեմատութեամբ այն խնդրի հետ, որ հեղինակը ցանկացել էր քննել և բացատրել այդ կիսապատասխանի մէջ: Որովհետեւ հարցը վերաբերում էր իմ չօղւածին, որ սպառեց «Մուրճ»-ի № 3 ի մէջ, «Մանկական ընթերցանութիւն» վերնագրով, և որի մէջ ես մի թեթիւ նկատողութիւն էի արել պ. Աղալեանցի մանկական հէքիաթների առիթով, ուստի այդ պ. Աղալեանցի արած արշաւանքը իսկապէս իմ դէմ էր, իմ չալտնած մտքերի և կարծիքների դէմ էր, հետևաբար և նրան պատասխանելու պարտականութիւնն էլ միանգամայն ինձ վերաչէր: Դրած: Իսկ ես, հաւատալով պ. Աղալեանցի խոստմանը, անդադար սպասում էի որ նա լիովին չալտնէ իւր կարծիքները այդ խնդրի առիթով, որովհետեւ իւր կիսապատասխանի մէջ նա ասում է՝ թէ այդ չօղւածը առ ձեռն և շտապով գրւած մի բան է... Սակայն իմ սպասելը իղուր անցաւ, պ. Աղալեանցը իւր առձեռն և շտապով չալտնած մտքերի վերաչէլ ոչինչ չ'ուղեց աւելացնել և ես ալժմ երկար սպասելուց չետու, ստիպւած եմ հաշիւ տեսնել նորա կիսապատասխանի հետ... Ինչ արած, լաւ է ուշ, քան ոչ երբէք: Այնուամենայնիւ, ես անկարող եմ հասկանալ՝ թէ ինչու պ. Աղալեանցը խոյս է տալիս իւր մտքերը պարզ և որոշ չալտնելուց, ինչո՞ւ նա ցանկանում է բաւականաչափ մի քանի կցկտուր և անորոշ, մետաֆիզիքական դարձածքներով, առանց որոշելու իւր ընթերցողների համար իւր մանկավարժական հասկացողութիւնները, առանց բացատրելու թէ ինչ մանկավարժական-դաստիարակչական սկզբունքներով է նա ղեկավարւում իւր մանկական գրւածքների մէջ: Զէ որ այս խնդիրը մեր հասարակական ամենակարեւոր խնդիրներից մէկն է, չէ որ պ. Աղալեանցի ուղիղ կամ սխալ կարծիքը այդ մասին, շատ հետաքրքիր է մեզ համար, շատ անհրաժեշտ է, թէ ընթերցող հասա-

րակութեան և թէ նոյն իսկ մամուլի, գրականութեան մէջ գործողների համար, փոխանակ լուրջ կերպով քննելու գաստիարակչական ամենազլխաւոր խնդիրներից մէկը—մանկական ընթերցանութեան խնդիրը,—փոխանակ պարզ, որոշ, հասկանալի և համոզեցուցիչ դատողութիւններով ու օրինակներով բացատրելու, որոշելու իւր դաստիարակչական հասկացողութիւնները և սկզբունքները, կրկնում եմ, փոխանակ այս խնդրի օգտակար աշխատանքի, պ. Աղայեանցը մի քանի կարճ և դժւարահասկանալի վերացական դրութիւններով աշխատում է հաւատացնել իւր ընթերցողներին, որ «Մուրճ» ամսագիրը սխալում է իւր կարծիքների մէջ, որ նրանում տպագրւած լուրջ լօղւածները «թերհաս մտքի արտադրութիւններ են», որ իւր գրած մանկական հէքիաթները ոչ թէ փաստակար, այլ շատ օգտակար են և արժանի են թէ մանուկների և թէ մեծերի ընթերցանութեան նիւթ լինելու թողնելով մի կողմ այն էական և կարևոր նկատողութիւնները, որ ես արել էի իմ լօղւածում պ. Աղայեանցի երկու հէքիաթների—Սղեզնուհի և Ջանգի-Ջրանգի,—առիթով, զգուշութեամբ խոյս տալով իմ լայնածափ գլխաւոր մտքի դէմ վիճելուց, պ. Աղայեանցը ամենալին հռանդով աշխատում է ապացուցանել, կամ աւելի լաւ է ասել՝ աշխատում է «զոռով հաւատացնել» իւր ընթերցողներին, որ հէքիաթները առհասարակ փաստակար չեն երեխաների համար, որ հէքիաթական գրւածքները կարող են ծառայել որպէս մանկական ընթերցանութեան նիւթեր, կարող են կրթիչ ազդեցութիւն անել երեխաների զգացմունքների և երևակայութեան վերաբերյալ միթէ ես հակառակ եմ զրան, միթէ ես իմ լօղւածում («Մանկական ընթերցանութիւն» «Մուրճ» № 3) լատենել եմ այն միտքը, որ հէքիաթները, առհասարակ ինչ տեսակ էլ որ լինին,—փաստակար են մանուկների համար։ Եթէ իրաւ ես հակառակ լինէի ամեն տեսակի և ամեն բովանդակութեան հէքիաթներին, եթէ հէքիաթական տարրը միանգամայն ես փաստակար հաւարէի երեխաների ընթերցանութեան համար, այն ժամանակ էլ ինչու միևնույն իմ լօղւածում կը խօսէի լուսնայ միֆօլոգիական հէքիաթների մասին, ինչու կը լինէի Պրօսթէնտի կարճառոտ բովանդակութիւնը, իբրև օրինակելի և արժանի ընթերցանութեան հէքիաթ։ Միթէ պ. Աղայեանցը չի լինում իմ լօղւածի աչդ կտորը. եթէ չի լինում՝ ես ուրախութեամբ կը լինեցնեմ նրան։ Պատահում են, ճշմարիտ, այնպիսի հէքիաթներ, որտեղ մարդիկ՝ դիւցազնական բոլոր անհասանելի ուժերով, ֆանտաստիկական վառ պատկերներով և շլացնող, ապշեցնող հսկայական քաջութեամբ կատարում են վսեմ իղէալական գործեր, մարդասիրական, կամ հայրենասիրական աղէի լաղթութիւններ. այսպիսի հէքիաթային հերոսներ են լուսնայ միֆօլոգիայի մէջ՝ Հերկուլէսը, Թէզէոսը, Պրօսթէնտը և այլն։ Պրօսթէնտը մարդկային ազգը փրկելու համար՝ երկնքից խլում է աստուածային հուրը և տալիս է մարգոց... իսկ ինքը, աչդ զարհուրելի լանդգեութեան և մեծ «չարագործութեան» համար, արժանանում է աստուածների

ամենախիստ պատժի։ Զեսի հրամանով նրան շղթալական գամում են Լյովկասի բարձր լեռների վրա, որտեղ գլխակեր անգղը պէտք է չաւտեանս տանջէ նրան՝ անգաղար կտցահարելով նորա սիրարը։ Սա էլ է մի հէքիաթ։ Բայց այստեղ հէքիաթի տարօրինակ ֆանտաստիկական ձևը արն է անում, որ ներքին բարձր գաղափարը, այդ ձևի մէջ արտապատկերով, ամենազօրեւն և խոր տպաւորութիւն է անում մարդու վերաւ և երեսան՝ այդ գաղափարի ուժեղ ապաւորութեան տակ՝ ամենեին չի էլ նկատում, արտաքին ձևի տարօրինակ և անբնական լինելը։ Աղպլիսի հէքիաթը, ուղիղ որ, կարող է կրթել երեխային, կարող է զարթեցնել նորա մէջ, բարձր, աստուածային զգացմունքներու։

Սրանից պարզ երևում է, որ փշեալ լօղւածում՝ իմ խօսքը եղև է ոչ թէ հէքիաթական լոկ ձևի մասին, որ ևս բողոքել եմ ոչ թէ առհասարակ բոլոր հէքիաթների դէմ, ինչպէս ուղում է հաւատացնել պ. Աղալեանցը, ալ ընդհակառակ այդ հէքիաթներից որոշ տեսակի, որոշ ուղղութիւն և տեղէնցիա ունեցողների դէմ, որոնց կարգին պատկանում են և պ. Աղալեանցի երկու իմ առաջ բերած հէքիաթները՝ Նղեզնուհի և Ջանգի-Ջրանգի։ Այս երկու հէքիաթները քննելով, նրանց միասակար և մոլորեցնող չափութիւնները ցոյց տալով, ևս ընդհանրացրել եմ իմ խօսքը բոլոր աչդ տեսակ հէքիաթների մասին, իսկ որպէս զի ցոյց տամ պ. Աղալեանցին թէ էլ ինչ տեսակ ուրիշ հէքիաթներ կարող են լինել, ևս մատնացող եմ արել, իբրև առաջին պատահած օրինակ, չունաց դիցաբանական հէքիաթներից մէկի վերաւ։ Ուղեցել եմ ասել, որ հէքիաթ անունը չը պէտք է վերաբերել միայն պ. Աղալեանցի գրածներին, որ այդ գրածներից զատ կան նաև ուրիշ հէքիաթներ, որոնք հիմնովին տարբերվում են այդ հէքիաթներից իրանց ներքին գաղափարական արժանաւորութիւններով։

II

Իսկապէս խնդրի էական և ամենագլխաւոր մասը հենց նրանումն է, որ պ. Աղալեանցը ոչ մի նշանակութիւն չէ տալիս հէքիաթի ներքին, գաղափարային արժանաւորութեանը, Նորա կարծիքով՝ բաւական է, որ հէքիաթի լինի միմիայն հէքիաթ, որ նա կրէ «հէքիաթի առասպելական, հեռութեան դրոշմը»՝ ուրիշ ոչինչ։ Իսկ թէ այդ փռասպելական և հեռութեան դրոշմի տակ ինչ գաղափար է ծածկւած—այդ բոլորովին միևնույն է պ. Աղալեանցի համար։ Նա մինչև անգամ չի էլ մոտժում այդ մասին, նորա համար, կարծես, այդ գլխաւոր և ամենամեծ պաշմանը—հէքիաթի բովանդակութեան, գաղափարի պաշմանը չը կալ ամենեին։ Այս տեսակ զուտ ոլիմպիական սառը և չեղձ տրամադրութեամբ պ. Աղալեանցը որոնում, գտնում է հին առասպելներ, հէքիաթներ, աւանդութիւններ, գրի է առնում այդ բոլոր հեռութեան մնացորդները և ինքնաբաւական ուրախու-

թեամբ առաջարկում է ալդ բոլոր ՏՃԱՊԵՆ հալ երեխաներին, որպէս ընթերցանութեան օգտակար և դաստիարակիչ նիւթ: Եւ ահա դուրս են գալիս «Աղբիւր»-ի մէջ «Եղեգնուհի» «Ջանգի-Ջրանգի» և սրանց նման հրեշաւոր հէքիաթներ, որտեղ ընթերցողի երևակալութեանը ներկայանում են ֆանտաստիկական ալլանդակ տեսարաններ, սատանաների, դևերի, գալլերի և շների անմիտ և անբովանդակ համրախաղութիւն (ПАСТОМНМА): Ալդ չորքոտանի, երևելի և աներևույթ կենդանի «քեանդրբաղները» պ. Աղաբեանցի բանաստեղծական քնարի եղանակով սկսում են պար գալ մեր առաջ, սկսում են իրանց բոլոր անասնական, սատանական, դիւական և քաջքալին ճարպիկութիւնները ցոյց տալ մեր երեխաներին... Սատանաները թռչկոտում են միմեանց չալակ, թափ են տալիս իրանց պոչերը, պարում են, երդում են և ամեն տեսակ «սատանալութիւններ» են անում: Շները հաշում են սատանաների վերալ. խածոտում են նրանց «թարա» ոտները: Յանկարծ գետնի տակից դուրս է դալիս ծծկեր երեխան, ահազին տաշտով խմորը գլխին դրած: Սատանաները և շները չարձակում են երեխայի վերալ, ուղւում են խել նրանից տաշտը: Սկսում է սաստիկ կռիւ, բարձրանում է աղմուկ, ճիչ, գոռում-գոչիւն: Ալդ խառնակութեան ժամանակ՝ մէկ էլ չանկարծ լւում է պ. Աղաբեանցի բարձր և խուպոտ ձայնը. — ԼՈՒԹԻՒՆ: Բոլորը ոչնչանում են մի ակնթարթում խաւարի և անլալտութեան մէջ: Ներկայացումը վերջանում է և հետաքրքրի երեխաները լոգնած, թուլացած, ապշած և վախեցած՝ չտապով փախչում, ընկնում են իրանց ծնողների գիրկը՝ երկար ժամանակ չը կարողանալով ազատւել պ. Աղաբեանցի ներկայացրած կենդանական և դիւալին հրէշաւոր թատրոնի աղգեցութեան տակից...

Որպէս զի ընթերցողը ինձ չը մեղադրէ միակողմանի չափազանցութեան մէջ՝ կարծելով թէ ես դիտմամբ ինձանից հնարում եմ ալդպիսի խալտառակ պատմութիւններ և «օլլիւներ» ես նախ առաջարկում եմ նրան կարդալ պ. Աղաբեանցի վերուլիչեալ երկու հէքիաթները և չետոլ լսել ինձ հետ պատահած հետեւեալ իրական դէպքի պատմութիւնը: Դեռ նոր էր հրաւարակւել «Աղբիւր»-ի ալս տարւալ № 2, որտեղ տպւած էր պ. Աղաբեանցի Ջանգի-Ջրանգին: Ես մի օր, ճաշից չետոլ, լարմար ժամանակ զտալ և անկողնիս վերալ պառկած՝ հետաքրքրութեամբ սկսեցի կարդալ ալդ նոր հէքիաթը, որի բովանդակութեան հետ ես ամենևին ծանօթ չէի: Ընթերցանութիւնը տեեց մի օր և իցէ 10 րոպէ, որից չետոլ ես արդէն քնած էի... Կարդացածի հէքիաթը շարունակեց ազդել ինձ վերալ և քնած ժամանակ և ես ալդ օր տեսալ դանազան ալլանդակ, անբովանդակ և սարսափեցնող երաղներ. խմբերով սատանաները, գալլերը և շները, մերկ երեխաները, պառու կանալք և ալն և ալն շարունակ անցնում էին իմ քնած երևակալութեան միջից՝ պատճառելով ինձ երբեմն ծիծաղ, երբեմն վախ ու սարսափ, երբեմն զարմանք և ապշուլթիւն: Նրազի խեղդող, ճնշող տպա-

ւորութեան տակ՝ ևս ղարթնեցի և, աշխատելով գտնել ալդ բոլոր տեսածիս պատճառը, մահճակալիս մօտ, աթուռի վերայ նկատեցի «Աղբիւր»-ի համարը և իրոպէս ամեն բան հասկացաւ... Եթէ որ ինձ վերայ ալսպիսի տպաւորութիւն արեց պ. Աղալեանցի հէքիաթը, հապա փոքրիկ երեսաների վերայ ինչպէս կ'աղղէ.—մտածեցի ևս ալն ժամանակ, Այս ճշմարիտ հոգեբանական երևութիւն, որ ինձ հետ պատահեց, կարելի է բացատրել, իմ կարծիքով՝ ալսպէս. Զանգի-Զրանգի հէքիաթը ճիշդ ալսպիսի հէքիաթ է, ինչպէս որ սիրում է ինքը պ. Աղալեանցը, ալսինքն կրում է իւր վերայ «հէքիաթի առասպելական և հնութեան դրօշմը»։ Կրելով իւր վերայ ալդ առասպելական և հնութեան դրօշմը Զանգի-Զրանգին չի պարունակում իւր մէջ ոչ մի բարձր գաղափար, ոչ մի ճշմարիտ մարդկային խոր և բարուական հասկացողութիւն։ Ընթերցողը նրանից չի ստանում ոչինչ ազնիւ և բարձր ոգեորութիւն, ոչ մի խելացի, օգտակար օրինակ... Ընթերցողը երևակալում է նորա միջի դանազան հրէշաւոր արարածները, ղէպքերը, երևութիւնները և նորա երեսակալութիւնը խեղդում, ճնշում է ալդ տեսարանների մեքենական աղղեցութեան տակ։

Արտաքին փաստերը և երևութիւնները մնում են լոկ փաստեր և անբռնադակ երևութիւններ. ոչ մի ընդհանուր գաղափար չի թուլացնում ալդ հրէշաւոր անցքերի տպաւորութիւնը, ոչ մի բարձր հոգեկան ոգեորութիւն չի մեղմացնում հէքիաթի արտաքին ալլանդակ տեսարանների և պատկերների աղղեցութիւնը, որովհետև Զանգի-Զրանգին միմիայն կրում է իւր վերայ հէքիաթի առասպելական և հնութեան դրօշմը... Նա գրվում և տպվում է լոկ նրա համար, որ մարդիկ կարդան և երևակայեն, պատկերացնեն նրա մէջ նկարագրւած անցքերը, ղէպքերը երեսի և աներևութ կենդանիները, քաջքերը, մարդագալները, սատանաները... Շատ բնական է որ քնած ժամանակ էլ մարդու երևակալութիւնը վերարտադրէ, պատկերացնէ նոյն բանը, ինչով որ ճնշած է եղել արթուն ժամանակ, շատ հաւանական է, որ երեսաներն էլ բացի սարսափից և վախից ուրիշ ոչ մի տպաւորութիւն չը ստանան ալդպիսի հէքիաթներ կարդալուց։ Բայց պ. Աղալեանցը ամենևին չի մտածում ալս բաների մասին. նա «պնդում է» որ ալդ բոլորը ոչ միայն վնասակար չէ, այլ շատ և շատ օգտակար։ Նա խորհուրդ է տալիս, որ հալ հասարակութիւնը մեծից մինչև փոքր կարդալ նորա հէքիաթները և, մինչև անգամ, դեռ չնորհակալ մնալ նրանից։

III

Կամենալով հէքիաթների նշանակութիւնը բարձրացնել և նրանց դաստիարակչական արժէքը աւելի շօշալիելի կացուցանել ընթերցողների համար՝ պ. Աղալեանցը համեմատում է հէքիաթը մալթական կաթի հետ և ուղում է մեղ հաւատացնել թէ որքան որ ալդ կաթը անհրաժեշտ է

երեխայի ֆիզիքական առողջութիւնը կաղզուրելու, ամրացնելու և կանոնաւոր ընթացքով զարգացնելու համար, նոյնքան էլ հէքիաթը (մանաւանդ Եղևբուհիին և Զանգի-Զրանգիին, ալնպէս չէր...) անհրաժեշտ է մարդու հոգեկան ուժերը զարգացնելու, նորա ընդունակութիւնները և ձիրքերը սնուցանելու, բնղմնաւորելու համար: Նա ասում է «հէքիաթը մեր երեւակալութեան, մեր տաղանդի ու հանճարի կաթն է: Այդ կաթը ինչպէս սննդարար է եղել մեզանից քառասուն դար՝ առաջ, նոյնքան սննդարար կը լինի և քառասուն դար մեզանից չնտոյ:

Համեմատութիւնը, անալոգիան չատ անգամ փոխանակ պարզելու մի խնդիր՝ աւելի խճճում, աւելի անհասկանալի և մութն է դարձնում. նա, մանաւանդ՝ երբ ալդ անալոգիան սխալ և անլաջող է գործ. դրւած: Պ. Աղապեանցը՝ փոխանակ մանրամասն խորհրդածութիւններով ու փաստերով բացատրելու հէքիաթի նշանակութիւնը դաստիարակութեան գործում, վերցնում և մի անլաջող համեմատութիւն է անում, որով իւր միտքը աւելի քողարկվում, աւելի պղտոր և անմատչելի է դառնում: Բնադիրութիւնից մեզ չալտնի է, որ կաթը ծծկեր երեխայի համար ամենասննդարար, ամենադիրամարս կերակուրն է: Այդ հեղուկը, պարունակելով իւր մէջ երեխայի մարմնին անհրաժեշտ բոլոր քիմիական նիւթերը, կարողանում է լրացնել նորա մարմնի բոլոր պակասորդ մասերը, կարողանում է սնունդ տալ և՛ մկանունքներին, և՛ ոսկորներին, և՛ թոքերին, և՛ արտաքին մաշկին ու նորա վերաջ եղած եղջրային մասերին—նշուղներին, մաղերին: Բայց միթէ միևնույն դերը կարող է կատարել հէքիաթը հասակաւոր երեխայի հոգեկան ընդունակութեանց նկատմամբ: Միթէ հէքիաթը կարող է կրթել, զարգացնել երեխայի և՛ մտածելու ընդունակութիւնը, և՛ նրեակալութիւնը, և՛ չիշողութիւնը, և՛ բարոյական զգացմունքները և՛ դիտելու, ըմբռնելու համեմատելու բոլոր զանազանակերպ, բարդ ընդունակութիւնները... Եթէ դաստիարակութեան գործը ալդքան հեշտ և միակերպ լինէր, այն ժամանակ էլ ինչ հարկաւոր էին ևւրոպական բոլոր մանկավարժների չարչարանքը, ինչի համար էին մանկական պարտէզները, խաղերը, դրոսանքները, բնադիրտական և առարկայական զրուցները և այլն և այլն: Կը վերցնէին և պ. Աղապեանցի «րէցէպտով» հէքիաթների կը պատմէին երեխաներին՝ հէքիաթներ, հէքիաթներ և հէքիաթներ... Սակայն, դժբաղդաբար, դաստիարակութեան գործը ալնքան հասարակ և պարզ չէ և պ. Աղապեանցի առաջարկած հէքիաթները չեն կարող այն դերը կատարել երեխայից դաստիարակութեան համար, ինչ դեր որ կատարում է մալրական կաթը՝ նրանց մարմնի աճելու, զարգացնելու վերաբերութեամբ:

Այդ միևնույն համեմատութեան մէջ պ. Աղապեանցը ասում է, որ եթէ 40 դար առաջ հէքիաթը օգտակար է եղել մարդոց դաստիարակութեան համար, միևնույն հէքիաթը օգտակար կը լինի և մեզանից 40 դար չնտոյ: «Աղբրւրի» մէջ նա խօսում է կաթի մասին, հասկանալով, ի հարկէ, կաթ

խօսքի տակ՝ հէքիաթը, Այս մի քանի խօսքի մէջ պի Աղապեանցը արտապատում է իւր (անշարժութեան թէօրիալ) զլիսաւոր սկզբունքը, Նա ընդունում է, որ դաստիարակութեան մէջ մարդկութիւնը ոչ մի առաջագիմութիւն չի անում, որ մեզանից չորս հազար տարի առաջ մարդկութիւնը դաստիարակվում էր Նոյն հէքիաթներով, ինչ հէքիաթներով որ դաստիարակելու է նաև մեզանից չորս հազար տարի լետու... Մի դրչի հասարակ շարժումով պի Աղապեանցն ոչնչացնում է ամբողջ գիտութիւնը, ամբողջ գարբրով հաւաքած ու բարդած մարդկային մտքի բոլոր արտադրութիւնները՝ իրանց հանճարեղ ներկայացուցիչներով՝ սկսեալ Արիստոտէլից մինչև անգլիացի մեծ բնագէտը-Դարվինը, Պատմական ամենահին դարերից՝ գիտութիւնը և փիլիսոփայութիւնը անցնելով հազար տեսակ փոթորիկների, վտանգների միջից, ենթարկւելով բազմաթիւ նեղութիւնների, արգելքների և հալածանաց՝ անդադար զարգացել, անդադար հարստացել կազդուրել են մինչև որ կարողացել են հասնել այն բարձրութեանը, այն հսկայական ուժեղութեանը, ինչ որ մենք տեսնում ենք ներկայումս, Դարբերով զարգացած, կազդուրած և ամրացած եւրոպական զիտութիւնը, իւր վերջին ամենամեծ փիլիսոփայական եղբայրացութիւնը տեց բնութեան և մարդկային կեանքի բոլոր երևույթների վերաբերութեամբ՝ Դարվինի հուշակաւոր և անմահ թէօրիալով, որը մեզ ուսուցանում է բնութեան և կեանքի զարգանալու, կատարելագործւելու, առաջադիմելու օրէնքները:

Այդ մեծ թէօրիալի հիման վերաջ ինչպէս որ բնութեան մէջ ամեն արարած՝ թէ շնչաւոր և թէ անշունչ՝ նոյնպէս և մարդը, ենթարկած է մշտական, փոփոխութեան, մշտական և անընդհատ կառարելագործւելու, զարգանալու, բարդւելու, առաջադիմելու օրէնքին, Առաջադիմութեան, պրոգրէսսի օրէնքը մշտական է, անփոփոխ է բոլոր մարդոց, բոլոր ազգերի և ցեղերի համար, ինչպէս որ ընդհանուր է նաև բոլոր կենդանի և անշունչ արարածների համար: Մարդկային ազգը մեզանից չորս հազար տարի առաջ այն չէր, ինչ որ ալժամ է. ալժաման մարդը, իւր ֆիզիքական և հոգեկան բոլոր ուժերով, ընդունակութիւններով, իւր տնտեսական հասարակական լարաբերութիւններով, սովորութիւններով, ինստիտուցիաներով ու հակումներով բոլորովին տարբերվում, դանդաղանվում է պատմական-հեռաւոր ժամանակներում ապրող մարդկանցից: Պատմական մարդոց գիտութիւնը, նրանց բարոյական համոզմունքները, նրանց ընտանեկան և հասարակական լարաբերութիւնները՝ ամենևին պարտաւորական չեն մեզ համար, ամենևին չեն կարող օրինակ լինել ալժաման մարդոց կեանքի գործունէութեան մէջ: Ամեն ժամանակ, ամեն պատմական շրջան ունի իւր սկիական, լատով պահանջները, իւր խնդիրները, իւր ձգտումները և իդէալները: Պատմական ժամանակների փորձը մեզ օգտակար է այնչափով, որչափով որ ալդ հարկաւոր է մեր ալժաման կեանքի թիրութիւնները,

սխալները և մոլորութիւնները դրստելու, նախատելու և հասկանալու համար, իսկ լիովին, առանց փոփոխութեան, առանց նորադղուն հասկացողութեանց, դադափարների և պահանջների ներդաշնակ միաւորութեան, պատմական աւանդութիւնը, տրադիցիան ոչ միայն օդուտ չէ մեզ, այլ և շատ քիչ է, մոլորեցնող է, բթացնող է... Նոյնը, աւելի մեծ չափով, կարելի է ասել, և դաստիարակութեան մասին: Ինչ հոգեկան և ֆիզիքական պահանջներ որ ունէր մարդը ալն ժամանակ, նույնը շունթի խօ և ներկալումս, Հետևաբար և դաստիարակութեան միջոցները շատ խոր և հիմնական կերպով զանազանվում են միմիանցից. ալն մտքերը, գաղափարները, զգացմունքները և սովորութիւնները, որոնցով մարդիկ դաստիարակւել են մի քանի հազար տարի առաջ, ներկալումս գուց է բոլորովին քիչասակար, անբարոյական են համարվում... Ալն հէքիաթները, պատմութիւնները, առականներ ասացածքները, որոնցով կրթւել, դաստիարակւել են Հալկ նահապետը, Կիւրոսը, Աղէքսանդր մակենդանացին և ալն՝ ալդ միենոյն հէքիաթները և պատմութիւնները, իսկութեամբ, առանց փոփոխութեան, առանց նոր պահանջներին չարմարացնելու՝ բոլորովին անլարմար քիչասակար, հակամանկավարժական են ներկալ սերնդի կրթութեան, դաստիարակութեան համար: Որովհետև ամեն ժամանակ ունի իւր առանձին պահանջները, և դաստիարակութեան թէ եղանակը, թէ նիւթերը և թէ նպատակները անդադար փոխվում են ժամանակների ընթացքում, ինչպէս որ փոխվում, զարգանում, կատարելագործվում են մարդու թէ ֆիզիքական և թէ հոգեկան ուժերը, ընդունակութիւնները: Այս հասարակ, արմատական և ընդհանուր մարդկալին ճշմարտութիւնը պ. Աղալեանցը հերքում է երկու «կարճ և աղղու»՝ նախադասութիւններով...

IV

Թօղաժիս երկրորդ գլխում ասացի, որ պ. Աղալեանցը ոչ մի նշանակութիւն չի տալիս հէքիաթի ներքին, գաղափարալին արժանաւորութեանը: Եւ ճշմարիտ, պ. Աղալեանցի երեւակալած հիքիաթալին հերոսները ունին ամեն տեսակ վիթխարի չատկութիւններ. անադին ֆիզիկական ուժ, մեծ քաջասրտութիւն և ալ տեսակ ուժեղ չատկութիւններ, բացի մարդասիրական զգացմունքից, բացի ճերքին բարոյական, գաղափարալին ուժից: Իւր «կիսապատասխանի» մէջ պ. Աղալեանցը հետեեալ եղանակով է որոշում հէքիաթալին հերոսների բարոյական արժանաւորութիւնը. «էլ ինչ Հերքուէս, եթէ նորա սպանած վիշապը պէտք է մի հասարակ օձ լինի և ոչ մի հիդրա բազմագլուխ, որ երբ մի գլուխը կտրեն, միւսը տեղը բսնի»:

Եթէ ալդ վիշապը զարհուրելի է, որքան առաւել հիանալի է Հերքուէսի սիրարը, նորա անվեհերութիւնը, նորա քաջութիւնը, նորա հնարա-

րադիտութիւնը... Ոչ ոք չի կարող վիճել, որ քաջութիւնը, անվեհերութիւնը, արիութիւնը լաւ լատկութիւններ են, որ ալդ հոգեկան ընդունակութիւնները կարևոր են, անհրաժեշտ են մարդոց համար, որ դաստիարակութեան մէջ երեխայոց պէտք է ոգևորել ալդպիսի վսեմ հոգեկան ուժերով։ Բայց միթէ դաստիարակութեան գլխաւոր, վերջնական նպատակը ալդ է, միթէ քաջութեան, արիութեան, հնարագիտութեան զաղափարներով է առաջադիմում մարդկութիւնը, ալդ զաղափարներով է զարգանում հասարակական կեանքը, մարդկային ընկերական յարաբերութիւնները, ընտանեկան քաղաքացիական, ազգային և ընդհանուր մարդկային զգացմունքները... Միթէ քաջութիւնը, անվեհերութիւնը, հնարագիտութիւնը, կարող են բաւականացնել մեր բարոյական պահանջմունքները, միթէ ալդ լատկութիւններով ենք չափում ներկայումս մարդոց արժէքը, նրանց խնկական՝ և ոչ խաբուսիկ, շողոքորթական՝ չարքը և պատիւը։ Քեարիմ աւագակապետը ոչնչով պակաս չէ պ. Աղալեանցի երևակալած հերոսներից՝ քաջութեան, անվեհերութեան, արիութեան, հնարագիտութեան կողմանէ։ Բայց ով կը համարձակուի նորա կատարած «քաջութիւնների» պատմութիւնը առաջարկել երեխայոց, որպէս կրթութեան, դաստիարակութեան միջոց, ով կը ոգևորւի ալդ աւագակի արած ամենալանդուղն, ամենալստահ, ամենաճարպիկ և հնարագէտ գործերով, լաղթութիւններով... Ընդհակառակ խրիմեան Հալրիկը, որ թէ քաջութեան, թէ անվեհերութեան և թէ, մանաւանդ, «հնարագիտութեան» կողմից ոչնչով չալանի չէ մեզ—ալդ մարդը գրաւել է ոչ միայն մեր, հայերիս, այլ և շատ օտար ազգերի անկեղծ ոէրը և բուռն համակրութիւնը։ Ինչո՞ւմ է կալանում խրիմեան Հալրիկի գլխաւոր ուժը, նորա հոգեկան ընդունակութեան էական և ամենաերևելի կողմը. քնչ մաքնիտական ուժով չա կարողացել է գրաւել, կաշկանդել միլիոնաւոր ամբոխի սիրտն ու հոգին... խրիմեան Հալրիկի գլխաւոր և ամենամեծ ընդունակութիւնը՝ նորա սիրելի ու ընդունակութիւնն է, նորա չափազանց ինքնուրաց և խորը ժողովրդասիրութեան ոգին է։ Սիրել ժողովուրդը, ամբոխը իւր անձից աւելի, տալ ալդ ամբոխի բարեւաւութեանը ամեն բան—աշխատանք, փող, առողջութիւն և կեանք—անա խրիմեան Հալրիկի բնաւորութիւնը, անա նորա բարոյական ուժը և կարողութիւնը։ Եւ ալդ մարգասիրական բարձր զաղափարը, որ մարմնացել, շունչ և ոգի է ստացել Հալրիկի մեծ անձնաւորութեան մէջ, ալդ զաղափարը տալիս է նորա իշխողին, ալն վսեմ, իղէալական բարձր նշանակութիւնը, ալն բարձր գիրքը և անսահման հեղինակութիւնը, որ ալժմ վալելում է խրիմեան Հալրիկը։ Ալդպէս են և բոլոր պատմական երևելի մարդիկ։ Վաթղան Մամրիկոնեանը, Գարիբալդին, Վալինգթոնը երևելի են, սուրբ են մեզ համար՝ ոչ թէ իրանց քաջութեան, արիութեան, հնարագիտութեան պատճառով—(նրանցից շատ առաւել քաջ մարդիկ պատմութեան ալիքների մէջ կորել են) այլ իրանց սիրելի ու ընդունակութիւնով,

ալն բարձր քրիստոնէական գաղափարով՝ որ ստիպում է մարդոց ուրանալ իւր սեպհական անձը՝ ուրիշներին երջանկացնելու, պաշտպանելու, ազատելու համար: Գէորգ Վաչինգթոնի հոգեկան ազնւութեան, առաքինութեան օրինակներով դեռ մինչև այժմ դաստիարակում են Ամերիկայի մեծ հանրապետութեան զաւակները: Հետեեալ փոքրիկ պատմութիւնը, Վաչինգթոնի երեխայութեան կեանքից: Իբրև մի կրօնական աւանդութիւն, սերնդէ սերունդ կրթում, ազնւացնում, ոգևորում է ամերիկացիներին: «Վաչինգթոնը դեռ փոքրիկ երեխա էր: Հաջր նրան ընծայեց մի նոր և փալուն կացին: Վաչինգթոնը, ցանկանալով նմանել ուրիշ աշխատաւորներին՝ վեր առաւ և ալդ սուր կացնով կտրեց իրանց պարտիզում մի ամենաընտիր խնձորենի: Հաջր, որ մեծ հոգս էր տանում ալդ խնձորենու զարգացման վերաջ տեսնելով, որ պարտիզում խնձորենին կտրած, վալը է գցած, սաստիկ բարկացաւ և զարկով չը կարողանալով զսպել՝ անդադար որոնում էր, թէ ով է կտրել իւր ծառը: Տեսնելով հօր սաստիկ բարկութիւնը, Վաչինգթոն անմեղ հեղութեամբ մօտեցաւ նրան և ասաց.— Հալրիկ, ես չեմ ուղում ծածկել իմ լանցանքը. ես եմ կտրել քո խնձորենին...» Այս փոքրիկ և հասարակ պատմութիւնը, որից երևում է Վաչինգթոնի ճշմարտասիրութեան և ազնւութեան չափը, դեռ փոքր երեխայական հասակից՝ ամերիկացիների ընտանեկան և հասարակական դաստիարակութեան անկիւնաքարն է համարւում: Վաչինգթոնի մեծ անունը և մեծ դործերը ամերիկացիք կապում են նորա հոգեկան բարձր ազնւութեան, նորա իգէալական մարդասիրութեան հետ... Ուրեմն մարդոց քաջութիւնը, հնարագիտութիւնը, որքան էլ զրաւիչ և ոգևորիչ լատկութիւններ լինեն, բայց, դարձեալ, ալդ լատկութիւնները չեն կազմում նրանց բարոյական գլխաւոր գինը և արժէքը, առանց որ և է բուն մարդկային սիրոյ և առաքինութեան բարձր գաղափարի, առանց հասարակական ազնիւ և օգտակար ուղղութեան:

Փաջութիւնը օգտակար է, վսեմ է, ոգևորիչ է երբ ալդ ընդունակութիւնը գործ է դրւում որ և է մարդկային բարձր ճշմարտութիւն պաշտպանելու համար, երբ նրանով կատարվում են հայրենասիրական, կամ մարդասիրական ազնիւ լաղթութիւններ: Միմիալն այս բարձր հասարակական օգուտի նպատակով գործ դրած քաջութիւնը, անվեհութիւնը, հնարագիտութիւնը կարող են իսկապէս ոգևորել մարդոց, կարող են դաստիարակել, ազնւացնել նոր առաջացող սերունդը:

Իսկ պ. Աղապեանցը առաջարկում է զարմացնել, վախեցնել և սարսափեցնել միւր երեխաներին երևակայական հերոսների մեծ ուժով, հսկա կերպարանքով, սարսափելի մահաւան տանջանքներով... Նրան չէ հետաքրքրում հէքիաթային հերոսի արած գործը, ալդ գործի բարոյական արժանաւորութիւնը. նա ուզում է, որ Հերքելէս ալնպէս չմեռնի, ինչպէս

հասարակ մահկանացուք են մեռնում. այլ «ալնպիսի տանջանքներով, որ մարդուս երեակալած բոլոր տանջանքներից վեր լինի», Եւ այս միայն նորա համար, որ երեխան սարսափի. վախենալ, դողալ ալք մահաւան պրօցէսը տեսնելիս, որովհետեւ, պ. Աղալեանցի կարծիքով, երեխային սրտոտ և չը սարսափող դարձնելու համար, պէտք է նրան ցոյց տալ ամենասարսափելի օրինակներ և դէպքեր, ինչպէս որ ինքը անում է իւր վերոլիշեալ դիւական-սատանական հէքիաթների մէջ... Պ. Աղալեանցը ամենեւին չէ էլ ուզում մտածել, որ քաջութիւնը, անվահերութիւնը, սրտոտութիւնը գործնական, պրակտիկական ընդունակութիւններ են և զարգանում են մարդու մէջ ոչ թէ գրքեր կարդալով, հէքիաթներ լսելով, հէքիաթների մէջ երևակաութեամբ սարսափելով, դողալով ու վախենալով, այլ ընդհակառակ իսկական, կենդանի գործեր կատարելով, ընչալական աշխարհի ուժերի և հանգամանքների հետ մշտական և անմիջական չափումով, վարժութիւնով.

Սակալն բաւական է: Ամփոփելով իմ այս լօղաածում պաշտպանած մտքերը՝ ես գալիս եմ հետեեալ եղրակացութիւններին: Նախ պ. Աղալեանց իզուր է ինձ մեղադրում, որ իբր թէ ես հերքում եմ հէքիաթների դաստիարակչական նշանակութիւնը: Սո հակառակ եմ ոչ թէ առհասարակ բոլոր տեսակ հէքիաթներին, այլ միայն «նզեզնուհի», «Ջանգի-Ջրանգի» և այլ սրանց նմաններին, որոնց մէջ աչքի են ընկնում լոկ արտաքին հրէշաւոր և անբնական դէպքերը, որոնց մէջ մասնակցում են զանազան երևելի և աներևութ կենդանիները, առանց արտալատելու որ և է մարդկային խորը, օգտակար, լուրջ և բարոյական զաղափար. իմ կարծիքով՝ հէքիաթը, ինչ տեսակ էլ որ լինի, ինչ ուղղութեան էլ պատկանի, ամենից առաջ պէտք է արտալատէ մի զաղափար, մի կրթիչ, ազնւացնող ու բարոյապէս մարդու բարձրացնող իդէա:

Մտնկական ընթերցանութեան համար չի կարելի առաջարկել ամեն տեսակ հին ժամանակներից մնացած հէքիաթ, կամ աւանդութիւն, լոկ ուշադրութիւն դարձնելով ալք հէքիաթների արտաքին կազմութեան վերալ. բաւական չէ որ հէքիաթը հին լինի, որ կրէ իւր վերալ «հնութեան և առասպելական դրոշմ»: Դիւսաւորապէս հէքիաթը պէտք է հասկանալի լինի մանուկների համար, պէտք է թէ արտաքին ձևով և թէ ներքին բովանդակութիւնով համապատասխանէ մեր ժամանակի ոգուն, մեր դարի մտաւոր-բարոյական համոզմունքներին: Հին պատմական ժամանակներից մնացած հէքիաթները կամ առասպելները լոկ ալն դէպքում կարող են օգտակար լինել մեր երեխաների համար, երբ նրանք պարունակում են ալնպիսի բարոյական զաղափար, ալնպիսի միտք, որ հասկանալի է մեղ համար, որ կարող է բարոյական խորը տպաւորութիւն անել մեղ վերալ: Սատանաների, դևերի, քաջքերի և վիշապների զաղափարը հակառակ են մեր ժամանակի ոգուն, մեր մտաւոր-բարոյական համոզմունքներին. մենք չենք կարող հաշտել ալք երևակաական մտացածին պատկերների հետ և, ալք

պատճառով, հէքիւթների մէջ պէտք է խոյս տալ նրանցից, պէտք է երեւ-
խանների թարմ երեակալութիւնը չը թուճաւորել ալդ մոլորութիւններով...
Բարոյական կրթութեան գործում պէտք է ոգևորել մանուկներին ոչ թէ
լոկ քաջութեան, անվախութեան, հնարագիտութեան և այլն գաղափարնե-
րով, այլ հարկաւոր է գլխաւորապէս նրանց ուշադրութիւնը զարնել մար-
դոց բարոյական կատարելութեան վերալ, պէտք է ոգևորել մանուկներին
մարդասիրական, հալրենասիրական գաղափարներով, պէտք է ցոյց տալ
նրանց մարդկութեան ապագալ ընդհանուր երջանկութեան, շնդհանուր
հաւասարութեան և եղբայրութեան իղէալը: Ահա ալն գլխաւոր մտքերը,
որոնք իմ կարծիքով ուղիղ են, օգտակար են և արժանի են ընթերցողների
ուշադրութեանը: